

全上古三代秦漢三國六朝文

全後漢文卷八十四

烏程嚴可均校輯

蓋勳

勳字元固，敦煌廣至人。舉孝廉，爲漢陽長。中平中，徵拜討虜校尉，遷京兆尹。董卓廢立，已爲越騎校尉，出爲潁川太守。未至郡，徵還京師，疽發背卒。

與董卓書

昔伊尹、霍光，權已立功，猶可寒心。足下小醜，何已終此？賀者在門，弔者在閭，可不慎哉！後漢蓋勳傳又見袁宏後漢紀二十五何已終此作何已堪之

使人書木表

使國家尸我于此

袁宏後漢紀二十六

韓卓

卓，中平中，爲大將軍掾。

募兵議

烏桓兵寡而與鮮卑世爲仇敵若烏桓被發則鮮卑必襲其家烏桓聞之當復棄軍還救非唯無益于實乃更沮三軍之情鄒靖居近邊塞究其態詐若令靖募鮮卑輕騎五千必有破敵之效

後漢應劭傳

鄭玄

玄字康成北海高密人生于永建二年少爲鄉嗇夫去游學師事第五元先張恭祖馬融歸耕東萊黨事起禁錮十四年中平中辟大將軍何進府後將軍袁隗表爲侍中初平中徵爲趙相皆不就袁紹領冀州舉茂才表爲左中郎將公車徵拜大司農已病乞還建安五年卒年七十四有周易注九卷尙書注九卷尙書大傳注三卷毛詩箋二十卷毛詩詁三卷周禮注十二卷答臨孝存周禮難若干卷儀禮注十七卷音二卷喪服經傳注

一卷喪服注一卷禮記注二十卷春秋十二公名一卷箴言
官二卷發墨守二卷起癰疾二卷釋一卷紋一卷孝經注一卷
論語注十卷又九卷古文論語注十卷駁許慎五經異義十卷
六藝論一卷易緯注九卷尙書緯注六卷尙書中候注八卷禮
緯注三卷禮記默房注三卷又乾象厯注及天文七政論魯禮
禘祫義若干卷集二卷

皇后敬父母議

獻帝皇后父屯騎校尉不其亭侯伏完朝賀公廷完拜如眾臣及
皇后往離宮后拜如子禮三公大臣議或曰爲皇后天下之母也
完雖后父不可令后獨拜于朝或曰爲當交拜也令后存人子之
道完不廢人臣之議又子尊不加于父母雖曰天王后猶曰吾季
姜欲令完猶行父法后專奉子禮公私之朝后當獨拜或曰爲皇
后至尊父亦至親交拜則父子無別完拜則傷子道后拜則損至

尊欲令公朝者完拜如眾臣于公宮后拜如子不知四者何是正禮鄭玄議曰

四者不同抑有由焉天子所不臣者三其一后之父母也天子尚不臣者況于后乎春秋魯隱公二年紀裂繻來逆女冬伯姬歸于紀又桓公九年祭公來遂逆王后于紀九年紀季姜歸于京師或言逆女或言逆王后蓋義有所見也女雖嫁爲鄰國夫人其尊無已加于父母嫁于天子者此雖已女成言曰王后明當時之尊得加父母也紀季姜歸于京師更稱其字者得行禮而戒之其尊安可加父母耳今不其亭侯在京師禮事出入宜從臣禮若后適離宮及歸寧父母從于禮

通典六十七

戒子益恩書

吾家舊貧不爲父母羣弟所容去廝役之吏游學周秦之都往來幽并兗豫之域獲覲乎在位通人處逸大儒得意者咸從奉手有

所受焉。遂博稽六藝，粗覽傳記，時觀祕書，緯術之奧，年過四十，乃歸供養。假田播殖，已娛朝夕。遇閏尹，擅勢坐黨，禁錮十有四年，而蒙赦令，舉賢良方正有道，辟大將軍三司府公車，再召比牒，併名早爲宰相。惟彼數公，懿德大雅，克堪王臣，故宜式序。吾自忖度，無任于此。但念述先聖之元意，思整百家之不齊，亦庶幾已。竭吾才，故聞命罔從而黃巾爲害，萍浮南北，復歸邦鄉。入此歲來，已七十矣。宿業衰落，仍有失誤。案之禮典，便合傳家。今我告爾已老，歸爾已事，將閑居已安性。覃思已終業，自非拜國君之命，問族親之憂，展敬墳墓，觀省野物，胡嘗扶杖出門乎？家事大小，汝一承之。咨爾兢兢一夫，曾無同生相依，其勗求君子之道，研鑽勿替，敬慎威儀。已近有德，顯譽成于僚友；德行立于己志。若致聲稱，亦有榮于所生，可不深念邪？可不深念邪？吾雖無絳冕之緒，頗有讓爵之高。自樂已論贊之功，庶不遺後人之羞。末所憤憤者，徒已亡親墳壟，未

成所好羣書率皆腐敝不得于禮堂寫定傳與其人日西方暮其
可圖乎家今差多于昔勤力務時無恤飢寒菲飲食薄衣服節夫
二者尙令吾寡恨若忽忘不識亦已焉哉後漢鄭玄傳又見藝文類聚二十三又御覽四

百五十九引鄭立別傳

尙書大傳敘

蓋自伏生也伏生爲秦博士至孝文時年且百歲張生歐陽生從
其學而授之音聲猶有譌誤先後猶有差舛重已篆隸之殊不能
無失生終後數子各論所聞已已意彌縫其闕別作章句又特撰
大義因經屬指名之曰傳劉子政校書得而上之一云奏凡四十此目錄
一篇至元始詮次爲八十三篇中興書目

詩譜敘

詩之興也諒不于上皇之世大庭軒轅逮于高辛其時有亡載籍
亦蔑云焉虞書曰詩言志歌永言聲依永律和聲然則詩之道放

于此乎有夏承之篇章泯棄靡有子遺邇及商王不風不雅何者
論功頌德所已將順其美刺過譏失所已匡救其惡各于其黨則
爲法者彰顯爲戒者著明周自后稷播種百穀黎民阻饑茲時乃
粒自傳于此名也陶唐之末中葉公劉亦世修其業已明民共財
至于太王王季克堪顧天文武之德光熙前緒已集大命于厥身
遂爲天下父母使民有政有居其時詩風有周南召南雅有鹿鳴
文王之屬及成王周公致太平制禮作樂而有頌聲興焉盛之至
也本之繇此風雅而來故皆錄之謂之詩之正經後王稍更陵遲
懿王始受譖亨齊哀公夷身失禮之後世不尊賢自是而下厲也
幽也政教尤衰周室大壞十月之交民勞板蕩勃爾俱作眾國紛
然刺怨相尋五霸之末上無天子下無方伯善者誰賞惡者誰罰
紀綱絕矣故孔子錄懿王夷王時詩訖于陳靈公淫亂之事謂之
變風變雅已爲勤民恤功昭事上帝則受頌聲弘福如彼若違而

勿用則被劫殺大禍如此吉凶之所繇憂娛之萌漸昭昭在斯足
作後王之鑒于是止矣夷厲已上歲數不明太史年表自共和始
歷宣幽平王而得春秋次第已立斯譜欲知源流清濁之所處則
循其上下而省之欲知風化芳臭氣澤之所及則傍行而觀之此
詩之大綱也舉一綱而萬目張解一卷而眾篇明于力則鮮于思
則寡其諸君子亦有樂于是與

附釋音
注疏本

孝經注敘

孝經者三才之經緯五行之紀綱孝為百行之首經者不易之稱

玉海十一僕被難于南城山棲遲巖石之下念昔先人餘暇述夫子之

志而注孝經劉焯大唐新語九御覽四十二太平寰宇記二十三

七引鄭玄六藝論敘孝經云
立又為之注明非小同作也

六藝論

六藝者圖所生也

公羊
序疏

河圖洛書皆天神言語所已教告王者也

毛詩文王正義
路史前紀九

太平嘉瑞圖書之出必龜龍銜負焉黃帝堯舜周公是其正也若

禹觀河見長人皋陶于洛見黑公湯登堯臺見黑鳥至武王渡河

白魚躍文王赤雀止于戶秦穆公白雀集于車是其變也

毛詩文
王正義

易者陰陽之象天地之所變化政教之所自生自人皇初起

禮記
大題

正義路史前
紀五後紀一

遂皇之後歷六紀九十一代

案曲禮正義引燧人至
伏羲一百八十七代

至伏羲始作

十二言之教

禮記大題正義路史前紀二又五
案正義引方叔

紀序命紀凡六紀也九十一代者九頭紀五龍紀攝提紀合洛紀連通

洛三連通六序命四凡九十一代也又左氏定四年正義云伏羲

始作十言之教曰乾坤震巽坎離艮兌消息此二字當

衍又路史後紀一引之教下有曰厚君臣之別六字

太昊帝庖犧氏姓風蛇身人首有聖德燧人歿宓犧皇生其世有

五十九姓義皇始序制作法度皆曰太德王也制嫁娶之禮受龍

圖曰龍紀官故曰龍師在位合一萬一千一百一十二年

唐釋法琳辨
正論注一

宓犧氏爲網罟，曰畋，曰漁，取犧牲，曰充庖廚，故曰庖犧氏。

辨正論注一

炎帝神農氏，姓姜，人身牛首，有火瑞，即曰火德王，有七世，合五百

年也。

辨正論注一

神農斲木爲耒耜，揉木爲耨，始教天下種五穀，故號爲神農也。

辨正論注一

論注

軒皇姓公孫，二十五月而生，有珠衡日角之相，曰土德王，天下建

寅月爲歲首，生子二十五人，有十二姓，凡十三世，合治一千七十

二年，夢受帝籙，遂與天老巡河而受之，得河圖書，師于牧馬小童，

拜廣成丈人于崆峒山。

辨正論注一

黃帝佐官有七人，蒼頡造書字，大撓造甲子，隸首造算數，容成造

麻日，岐伯造醫方，鬼詛區占候，奚仲造車作律，管輅造禮也。

論注

軒皇有景雲之瑞，用雲紀官，少昊帝有鳳鳥之瑞，故曰鳥名官焉。

注一
正論

夏曰連山殷曰歸藏周曰周易連山者象山之出雲連連不絕歸藏者萬物莫不歸藏于其中周易者言周道周普无所不備

周易正義

論八

易之爲名也一言而函三義易簡一也變易二也不易三也故繫辭云乾坤其易之蘊邪又云易之門戶邪又云夫乾確然示人易矣夫坤隤然示人簡矣易則易知簡則易從此言其易簡之法則也又云其爲道也屢遷變動不居周流六虛上下无常剛柔相易不可已爲典要唯變所適此則言其順時變易出入移動者也又云天尊地卑乾坤定矣卑高曰陳貴賤位矣動靜有常剛柔斷矣此則言其張設布列不易者也據茲三義之說易之道廣矣大矣

周易正義八論世說新語文學篇注

尙書緯云孔子求書得黃帝玄孫帝魁之書迄于秦穆公凡三千

二百四十篇斷遠取近定可已為世法者百二十篇已百二篇為

尚書十八篇為中候尚書序正義

若堯知命在舜舜知命在禹猶求于羣臣舉于側陋上下交讓務

在服人孔子曰民可使由之不可使知之此之謂也尚書堯典正義

民閒得泰誓尚書序正義

詩者弦歌諷諭之聲也案北堂書鈔九十五句覽六百八俱引此句自書契之興朴略

尚質面稱不為諂目諫不為諛君臣之接如朋友然在于懇誠而

已斯道稍衰姦偽日生上下相犯及其制禮尊君卑臣君道剛嚴

臣道柔順于是箴諫者希情志不通故作詩者已誦其美而譏其

過毛詩譜序正義

春秋緯演孔圖云詩含五際六情毛詩譜序正義

唐虞始造其初至周分為六詩毛詩譜序正義

孔子錄周衰之歌及眾國聖賢之遺風自文王創基至于魯僖四

百年間凡取三百五篇合為國風雅頌毛詩譜序正義

河間獻王好學其博士毛公善說詩獻王號之曰毛詩毛詩國風正義

未有若今傳訓章句毛詩國風正義

注詩宗毛為主毛義若隱略則更表明如有不同即下己意使可

識別也毛詩鄭氏箋釋文

禮者序尊卑之制崇讓合敬也北堂書鈔九十五御覽六百八

禮其初起蓋與詩同時毛詩譜序正義

唐虞有三禮至周分為五禮周禮春官序官疏

漢興高堂生得禮十七篇後得孔氏壁中古文禮凡五十六篇案

喪正義作五十七篇記百三十一篇周禮六篇其十七篇與高堂生所傳同

而字多異其十七篇外則逸禮是也禮記大題正義并喪正義擇文序錄案大題正義又引

云周官壁中所得六篇

案漢書藝文志儒林傳云傳禮者十三家唯高堂生及五傳弟子

戴德戴聖名在也

禮記大題正義

今禮行于世者戴德戴聖之學也

禮記大題正義

戴德傳記八十五篇戴聖傳記四十九篇

禮記大題正義

春秋者右史所記之制動作之事也右史記事左史記言

禮記王義

公羊序疏御覽六百八

案公羊疏引作春秋者國史所記人君動作之事左史所記為春秋右史所記為尚書

孔子記西狩獲麟自號素王為後世受命之君制明王之法

左傳序正義

左氏善于禮公羊善于識穀梁善于經

穀梁序疏

治公羊者胡毋生董仲舒董仲舒弟子嬴公嬴公弟子眭孟眭孟

弟子莊彭祖及顏安樂安樂弟子陰豐劉向王彥

公羊序疏

玄又為之注

孝經序疏案此謂春秋

孔子曰六藝題目不同指意殊別恐道離散後世莫知根源故作

孝經曰總會之

孝經序疏

玄又爲之注案此謂孝經

自序

遭黨錮之事逃難注禮黨錮事解注古文尚書毛詩論語爲袁譚所逼來至元城乃注周易孝經序并注正義唐會要七十七文苑英華七百六十六

趙商

商字子聲河內人師事康成

與人書詣鄭康成學

夫學之于人猶土地之有山川也珍寶于是乎出猶樹木之有枝

葉本根于是乎庇也御覽六百七引趙子聲書

北海鄭玄字康成學之淵府今與業共往就之故輩不暇傾命北堂書鈔原本

九十七

張逸

逸北海高密人年十三爲縣小史尋去職師事康成康成妻曰

女弟仕至尙書左丞後爲幽川牧劉虞掾同虞死

遺令

閉口寒具不得入

御覽八百六十

汜闔

闔師事康成

答陳鑠問

陳鑠問汜闔云爲庶母慈已鄭注引內則國君之子有子師慈母保母又曰大夫之子有食母庶母慈已此之謂也內則人君養子之法禮人君之庶母尙無服何已爲慈母服乎若欲施大夫大夫無此禮但有食母耳汜闔答曰內則實總國君及大夫養子之禮

通典九

十二
答桓翊問

桓翊問汜闔云久喪不除者爲當罷子盡然邪故質焉耳答云昔

嘗送鄭君到代陵。代陵有人其父死不得其屍。其子行喪。隨制降殺。閣與亡者相知。而往弔之。還問鄭君所駁異義之事。不孝莫大于無後。終身不除。此爲絕先人之統。無乃重乎。鄭君荅云。庶子自可攝祭。閣覆云。無庶子當何已。又荅云。族人可已。其倫代之。閣覆言。又云。無族人云何。則不復相荅。推此而詳。但使一嫡子不除耳。

通典一百三

張超

超字子竝。河陽鄭人。靈帝時。從車騎將軍朱儁討黃巾。爲別部司馬。有集五卷。

誚青衣賦

彼何人斯。悅此豔姿。麗辭美譽。雅句斐斐。文則可嘉。志卑意微。鳳兮鳳兮。何德之衰。高岡可華。何必棘茨。醴泉可飲。何必滌泥。隋珠彈雀。堂溪刈葵。鴛鴦啄鼠。何異乎鴟。歷觀古今禍福之階。多由嬖

妾淫妻書戒牝雞詩載哲婦三代之季皆由斯起晉獲駟戎斃壞
恭子有夏取仍覆宗絕祀叔肝納申聽聲狼似穆子私庚豎牛餒
己黃歇之敗從李園始魯受齊樂仲尼逝矣文公懷安姜笑其鄙
周漸將衰康王晏起畢公喟然深思古道感彼關雎德不雙侶得
願周公妃已窈窕防微消漸諷諭君父孔氏大之列冠篇首晏嬰
潔志不顧景女及雋不疑奉霍不受見尊不迷況此麗豎三族无
紀綢繆不序留行索妃旁行求偶昏姻無媒宗廟無主門戶不名
依其在所生女爲妾生男爲庶歲時酌祀詣其先祖或于馬廐廚
閒竈下東向長跪接狎觴酒悉請諸靈僻邪當主多乞少出銅丸
鐵柱積繒累億皆來集聚嫡婉歡心各有先後臧獲之類蓋不足
數古之贅壻尙爲塵垢況明智者欲作奴父勒節君子無當自逸
宜如防水守之曰一秦繆思襄故獲終吉

藝文類聚三十
五初學記十九

牋

文選曲罔
六代論注

文選曲罔
六代論注

魏志
張超集
注

尼父頌

文選七啟注作合德被
量乾坤參曜日月

藝文類聚二十
初學記十七

楊四公頌

我我西岳峻極太清降神挺賢實有景靈靈何爲四四楊是下佐
我大侯俾作韓貞明明在上不顯其身帝時疇咨本道求真僉曰
于公溫故知新宜保宜傳克贊典墳昔在阿衡左右商王有周文
武股肱旦望我漢楊氏作代棟梁蹇蹇匪躬惟國之綱綱弛復整
政無亂荒功假皇穹率土已康心盡于朝終然允臧伊德之輔是

乃毛羽匪哲匪賢孰云敢舉楊氏蹈之爲軌爲武軌武伊何盡啟
基緒穆穆天子已爲心膂於萬斯年克昌厥後

魏文類聚
四十三

靈帝河間舊廬碑

赫赫在上陶唐是承繼德二祖四宗是憑上龜鑒乎義農中結軌
乎夏商元首既明股肱惟良乃因舊宇福德所基修飾經構農隙
得時樹中天之雙闕崇冠山之華堂通樓閑道丹階紫房金窗鬱
律玉璧內瑤青蒲克庖朱草棲箱川魚踴躍雲鳥舞翔煌煌大漢
合德乾剛體效日月驗化陰陽格于上下震鳴八荒三光宣曜四
靈效祥天其嘉享豐年穰穰賜虔奏樂鹿鳴薦觴一祝致告福祿
來將永保萬國南山無量

魏文類聚
六十四

邊讓

讓字文禮陳留浚儀人大將軍何進徵署令史後曰高才屢遷
出爲九江太守初平中去官歸鄉建安中爲曹操所殺

章華臺賦并序

楚靈王既遊雲夢之澤，息于荆臺之上，前方淮之水，左洞庭之波。右顧彭蠡之隩，南眺巫山之阿。延目廣望，騁觀終日。顧謂左史倚相曰：「盛哉此樂，可已遺老而忘死也。」于是遂作章華之臺，築乾谿之室，窮木土之技，單珍府之寶。舉國營之，數年乃成。設長夜之淫宴，作北里之新聲。于是伍舉知夫陳蔡之將生謀也，乃作新賦以諷之。

胄高陽之苗裔兮，承聖祖之洪澤。建列藩于南楚兮，等威靈于二伯。超有商之大彭兮，越隆周之兩虢。達皇佐之高勛兮，馳仁聲之顯赫。文選曹植贈丁儀王粲詩注馳作飛惠風春施，神武電斷。華夏肅清，五服攸亂。旦垂精于萬機兮，夕同輦于門館。設長夜之歡飲兮，展中情之嬾婉。竭四海之妙珍兮，盡生人之祕玩。爾乃攜窈窕從好仇，徑肉林登糟丘。蘭肴山竦，椒酒淵流。激玄醴于清池兮，靡微風而行舟。登

瑤臺已回望兮，冀彌日而消變。于是招必妃，命湘娥，齊倡列，鄭女

羅，陽激楚之清宮兮，展新聲而長歌。繁手超于北里，妙舞麗于陽

阿，金石類聚，絲竹羣分。被輕珪，曳華文，羅衣飄颻，組綺繽紛。縱輕

軀已迅赴，若孤鶴文選洛神賦注作離鶴之失羣，振華袂已逶迤，若游龍之

登雲。于是歛熾既洽，長夜向半。琴瑟易調，繁手改彈。清聲發而響

激，微音逝而流散。振弱支而紆繞兮，若綠繁之垂輪。忽飄飄文選陸機

日出東南隅行注作飄然已輕逝兮，侶鸞飛于天漢。舞無常態，鼓無定節。尋聲

響應，修短靡跌。長袖奮而生風，清氣激而繞結。爾乃妍媚遽進，巧

弄相加。俯仰異容，忽兮神化。體迅輕鴻，榮曜春華。進如浮雲，退如

激波。雖復柳惠，能不咨嗟。于是天河既回，淫樂未終。文選謝惠連

同作迅清箏發微，激楚揚風。于是音氣發于絲竹兮，飛響軼于雲

中。比目應節而雙躍兮，孤雌感聲而鳴雄。美繁手之輕妙兮，嘉新

聲之彌隆。于是眾變已盡，羣樂既考。歸乎生風之廣夏兮，修黃軒

之要道。驪山子之賜腕兮，援毛嬙之素肘。形便娟兮，嬋媛兮。若流風之靡草，美儀操之姣麗兮。忽遺生而忘老，爾乃清夜晨妙技，單收尊俎，微鼓盤，惘焉若醒，撫劍而歎。慮理國之須才，悟稼穡之艱難。美呂尚之佐周，善管仲之輔桓，將超世而作理焉。沈湎于此歎，于是罷女樂，墮瑤臺，思夏禹之卑宮，慕有虞之士階。舉英奇于仄陋，拔髦秀于蓬萊。君明哲已知人，官隨任而處能，百揆時敘，庶績咸熙。諸侯慕義，不召同期。繼高陽之絕軌，崇成莊之洪基。雖齊桓之一匡，豈足方于大持。爾乃育之曰仁，臨之曰明，致虔報于鬼神，盡肅恭乎上京。馳清化于黎元，永歷世而太平。後漢邊讓傳

黃忠

忠陳留人

與申屠蟠書勸詣何進

大將軍幕府初開，徵辟海內，竝延英俊，雖有高名盛德，不獲異遇。

至如先生特加殊禮優而不名申已手筆設几杖之坐引領東望

日夜已冀彌秋歷冬經適二載後漢書深拒已疾無惠然之顧重

令爰中郎曉暘慇懃至于再三而先生抗志彌高所執益固將軍

于是慙然失望而有媿色自己德薄深用咎悔僕竊論之先生高

則有餘智則不足後漢書作高節有餘于時則未也當今西戎作亂師旅在外軍

國異容動有刑憲今潁川荀爽與病在道北海鄭玄北面受署彼

豈樂羈牽者哉知時不可佚豫也且昔人之隱雖遭其時猶放聲

絕迹巢棲茹薇其不遇也則裸身大笑被髮狂歌今先生處平壤

游人閒吟典籍襲衣裳行與昔人謬而欲蹈其迹擬其事不亦難

乎僕願先生優游俯仰貴處可否之閒孔氏可師何必首陽備託

臭味庶同休戚是已假飛書以喻左右袁宏後漢紀二十五中平五年又略見後漢中屠蟠

傳

吳匡

匡爲何進部曲將

令軍中

殺大將軍者卽車騎也士吏能爲報讎乎

後漢何進傳又略見魏志董卓傳注引英雄記

士孫瑞

瑞字君策扶風人中平末召處士擢薦揚校尉獻帝初爲執金吾出爲南陽太守未行畱拜尙書僕射大司農衛尉國三老光祿大夫尙書令興平二年從駕東歸爲亂兵所殺有集二卷

理王允等事

興平二年秋朝廷召九月九日見公卿近臣飲宴瑞離席前言故

司徒王允

北堂書鈔一百五十五

日蝕行冠禮議

初平四年正月當祠南郊尙書八座議欲卻郊日又定冠禮而月朔日蝕博士孫瑞議按八座書曰爲正月之日大陽虧曜謫見于

天而冠者必有裸享之儀金石之樂飲燕之娛獻酬之報是爲聞

災不祗肅見異不怵惕也

通典七十八 案博士孫瑞忠
卽士孫瑞校者誤加博士字耳

劍銘

天生五材金德惟剛從革作辛含影吐商辨物利用勳伐彌彰暨
彼良工區冶干將爰造寶劍巨闕墨陽精通皓靈獲茲休祥剖山
竭川虹霓消亡昭威耀武震動遐荒楚曰定霸越曰取強

劍覽三百
四十四

蘇文類
聚六十

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷八十四終

全後漢文卷八十五

烏程嚴可均校輯

陶謙

謙字恭祖，丹陽人。靈帝時舉茂才，除虛合、遷、幽州刺史，徵拜議郎、參車騎將軍、張溫軍事，遷徐州刺史。初平中，加安東將軍，封溧陽侯。興平元年病死。

被詔罷兵上書

臣聞懷遠柔服，非德不集。克雖平亂，非兵不濟。是已涿鹿、阪泉、三苗之野，有五帝之師；有扈、鬼方，商奄四國，有王者之伐。自古在昔，未有不揚威已，弭亂震武已，止暴虐也。臣前初已黃巾亂，治受策長驅，匪遑啟處。雖憲章敕戒，奉宣威靈，敬行天誅，每伐輒克。然妖寇類眾，殊不畏死。父兄殲殪，子弟羣起，治屯連兵，至今爲患。若承命解甲，弱國自虛，釋武備已，資亂損官威已，益寇。今目兵罷，明日

難必至上忝朝廷寵授之本下令羣凶日月滋蔓非所已彊榦弱
枝遏惡止亂之務也臣雖愚蔽忠恕不昭抱恩念報所不忍行輒
勒部曲申令警備出芟彊寇唯力是視入宣德澤躬奉職事冀效
微勞已贖罪負

魏志陶謙傳注引吳書

華夏沸擾于今未弭包茅不入職貢多闕寤寐憂歎無日敢寧誠
思貢獻必至薦羞後通然後銷鋒解甲臣之願也臣前調穀百萬
斛已在水次敕兵衛送上

奏記朱儁

徐州刺史陶謙前揚州刺史周乾瑯邪相陰德東海相劉燾彭城
相汲廉北海相孔融沛相袁忠太山太守應劭汝南太守徐璆前
九江太守服虔博士鄭玄等敢言之行車騎將軍河南尹莫府國
家既遭董卓重已李傕郭汜之禍幼主刼執忠良殘微長安隔絕
不知吉凶是已臨官尹人搢紳有識莫不憂懼已爲自非明哲雄

霸之士，曷能克濟禍亂？自起兵已來，于茲三年，州郡轉相顧望，未有奮擊之功，而互爭私變，更相疑惑，謙等竝共諮諏，議消國難。僉曰：將軍君侯，旣文且武，應運而出，凡百君子，靡不昭聞。故相率厲，簡選精悍，堪能深入，直指南陽，多持資糧，足支半歲，謹同心腹，委之元帥。

後漢朱儁傳

公孫瓚

瓚字伯珪，遼西令支人，爲郡門下書佐。後從盧植學于緱氏山中，復爲郡吏，舉上計。已，孝廉爲郎，除遼東屬國長史，遷涿令。中平中，遷騎都尉，再遷中郎將，封都亭侯。獻帝卽位，遷奮武將軍，封薊侯。初平三年，遷前將軍，封易侯。建安四年，爲袁紹所攻，自殺。

表袁紹罪狀

臣聞皇義已來，始有君臣上下之事。張化已，導民刑罰，已禁暴，今

行車騎將軍袁紹託其先軌寇竊人爵既性暴亂厥行淫穢昔爲司隸校尉會值國家喪禍之際太后承攝何氏輔政紹專爲邪媚不能舉直至令丁原焚燒孟津招來董卓造爲亂根紹罪一也卓既入雒而主見質紹不能權譎已濟君父而棄置節傳逆竄逃亡忝辱爵命背上不忠紹罪二也紹爲渤海太守默選戎馬當攻董卓不告父兄至使太傅門戶太僕母子一旦而變不仁不孝紹罪三也紹既興兵涉歷二年不卹國難廣自封殖乃多已資糧專爲不急割剝富室收考責錢百姓吁嗟莫不痛怨紹罪四也韓馥之迫竊其虛位矯命詔恩刻金印玉璽每下文書輒襄施檢文曰詔書一封郝鄉侯印昔新室之亂漸已卽眞今紹所施擬而方之紹罪五也紹令崔巨業候視星日財貨賂遺與共飲食克期會合攻鈔郡縣此豈大臣所當宜爲紹罪六也紹與故虎牙都尉劉勲首共造兵勲仍有效又降伏張楊而呂小忿枉害于勲信用讒慝殺

害有功紹罪七也紹又上故上谷太守高焉故甘陵相姚貢橫責其錢錢不備畢二人并命紹罪八也春秋之義子已母貴紹母親爲婢使紹實微賤不可已爲人後已義不宜乃據豐隆之重任忝汚王爵損辱袁宗紹罪九也又長沙太守孫堅前領豫州刺史驅走董卓掃除陵廟其功莫大紹令周昂盜居其位斷絕堅糧令不得入使卓不被誅紹罪十也臣又每得後將軍袁術書云紹非術類也紹之罪戾雖南山之竹不能載昔姬周政弱王道陵遲天子遷都諸侯背叛于是齊桓立柯亭之盟晉文爲踐土之會伐荆楚已致菁茅誅曹衛已彰無禮臣雖蘭茸名非先賢蒙被朝恩當此重任職在鈇鉞奉辭伐罪輒與諸將州郡兵討紹等若事克捷罪人斯得庶續桓文忠誠之効攻戰形狀前後續上

魏志公孫瓚傳注引典略瓚表

狀紹罪

臣聞皇義已來君臣道著張禮已導人設刑已禁暴今車騎將軍

袁紹託承先軌，爵任崇厚，而性本淫亂，情行浮薄。昔爲司隸，值國多難，太后承攝，何氏輔朝。紹不能舉直，錯枉而專爲邪媚，招來不軌，疑誤社稷。至令丁原焚燒孟津，董卓造爲亂始。紹罪一也。卓既無禮，帝主見質，紹不能開設權謀，曰：「濟君父，棄置節傳，迸竄逃亡。」忝辱爵命，背違人主。紹罪二也。紹爲渤海當攻董卓，而默選戎馬，不告父兄，至使太傅一門，纍然同斃，不仁不孝。紹罪三也。紹既興兵，涉歷二載，不恤國難，廣自封植，乃多引資糧，專爲不急，割刻無方，考責百姓，其爲痛怨，莫不吁嗟。紹罪四也。逼迫韓馥，竊奪其州，矯刻金玉，已爲卽璽，每有所下，輒早覆施檢文，稱詔書。昔亡新僭侈，漸已卽眞，觀紹所擬，將必階亂。紹罪五也。紹令星工伺望祥妖，賂遺財貨，與其飲食，剋會期日，攻鈔郡縣。此豈大臣所當施爲？紹罪六也。紹與故虎牙都尉劉勳首共造兵，勳降服張楊，累有功效，而曰小忿，枉加酷害，信用讒慝，濟其無道。紹罪七也。故上谷太守

高焉故甘陵相姚貢紹曰貪棼橫責其錢錢不備畢二人并命紹
罪八也春秋之義子曰母貴紹母親爲傅婢地實微賤據職高重
享福豐隆有苟進之志無虛退之心紹罪九也又長沙太守孫堅
前領豫州刺史遂能驅走董卓掃除陵廟忠勤王室其功莫大紹
遣小將盜居其位斷絕堅糧不得深入使董卓久不服誅紹罪十
也昔姬周政弱王道陵遲天子遷徙諸侯背畔故齊桓立柯會之
盟晉文爲踐土之會伐荆楚已致菁茅誅曹衛已彰無禮臣雖闕
茸名非先賢蒙被朝恩負荷重任職在鈇鉞奉辭伐罪輒與諸將
州隄共討紹等若大事克捷罪人斯得庶續桓文忠誠之效

後漢
公孫瓚
乃上疏

與袁紹書

趙太僕曰周召之德銜命來征宣揚朝恩示已和睦曠若開雲見
日何喜如之昔賈復寇恂亦爭士卒欲相危害遇光武之寬親俱

陸見同輿共出時人已為榮自省邊鄙得與將軍共同此福此誠將軍之眷而瓚之幸也

魏志袁紹傳注引英雄記天子命太僕趙岐住紹營移書告瓚瓚遣使具與紹書

趙太僕已周邵之德銜命來征宣揚朝恩示已和睦曠若開雲見

日何喜如之昔賈復寇恂爭相危害遇世祖解紛遂同輿並出瓚

難既釋時人美之自惟邊鄙得與將軍共同斯好此誠將軍之羞

而瓚之願也

後漢袁紹傳瓚因此書書皆紹與英雄記小異今並錄之

遣行人文則齋書告子續

袁氏之攻似若神鬼鼓甲鳴于地中梯衝舞吾樓上日窮月蹶無

所聊賴汝當碎首于張燕速致輕騎到者當起烽火于北吾當從

內出不然吾亡之後天下雖廣汝欲求安足之地其可得乎

魏志公孫

瓚傳注引英雄記又引獻帝春秋紹使陳琳更其書曰蓋聞在世昔袁周之世僞尸流血已為不然豈意今日身當其衝其餘語與興畧

同

昔周末喪亂僵屍蔽地已意而推猶為否也不圖今日親當其鋒

袁氏之攻狀若鬼神梯衝舞吾樓上鼓角鳴于地中日窮月急不
遑啟處烏庀歸人潛水陵嵒汝當碎首于張燕馳驟已告急父子
天性不言而動且厲五千鐵騎于北陽之中起火爲應吾當自內
出奮揚威武汝命于斯不然吾亡之後天下雖廣不容汝足矣後漢
公孫瓚傳瓚密使行人齊書告瓚云云往引獻
帝春秋候者得書紹使陳琳易其詞卽此書
韓馥

馥字文節潁川人爲御史中丞尙書出爲冀州刺史初平元年
到官起兵討董卓後退軍安平爲公孫瓚所敗曰州讓袁紹去
依張邈尋自殺

與袁術書議立劉虞爲帝

帝非孝靈子欲依絳灌誅廢少主迎立代王故事

虞功德治行華夏少二當今公室枝屬皆莫能及

昔光武去定王五世曰大司馬合河北耿弇馮異勸卽尊號卒代

更始今劉公自恭王枝別其數亦五呂大司馬領幽州牧此其與光武同

譏云祚人將在燕分

濟陰男子王定得玉印文曰虞爲天子又見兩日出于代郡謂虞

當代立

並見魏志公孫瓚傳並引吳書

橋瑁

瑁字元偉梁國睢陽人太尉橋玄族子靈帝末爲兗州刺史遷東郡太守初平中爲劉岱所殺

詐作京師三公移書州郡陳董卓罪惡

見逼迫無已自救企望義兵解國患難

魏志武紀注引英雄記

呂布

布字奉先五原九原人事丁原爲騎都尉遷主簿尋殺原去事董卓復爲騎都尉遷中郎將封都亭侯初平三年呂誅卓功進

奮威將軍封溫侯尋爲李傕等所敗出關與平初陳宮等迎爲
兗州牧兵敗奔于劉備建安初據下邳自稱徐州刺史拜平東
將軍封平陶侯三年爲曹操所殺傳首許都

上書獻帝

臣本當迎大駕知曹操忠孝奉迎都許臣前與操交兵今操保傳
陛下臣爲外將欲已兵自隨恐有嫌疑是已待罪徐州進退未敢
自盡

魏志呂布傳
注引英雄記

答曹公

布獲罪之人分爲誅首手命慰勞厚見褒獎重見購捕袁術等詔
書布當已命爲效

魏志呂布傳
注引英雄記

與韓暹楊奉書

二將軍拔大駕來東有元功于國當書勳竹帛萬世不朽今袁術
造逆當共誅討奈何與賊臣還共伐布布有殺董卓之功與二將

軍俱爲功臣可因今共擊破術建功于天下此時不可失也

魏志呂布

傳注引九州春秋

二將軍親扶大駕而布手殺董卓俱立功名當垂竹帛今袁術造逆宜共誅討奈何與賊還來伐布可因今者同力破術爲國除害建功天下此時不可失也

後漢呂布傳

留書與袁術

足下恃軍強盛常言猛將武士欲相吞滅每抑止之耳布雖無勇虎步淮南一時之閑足下鼠竄壽春無出頭者猛將武士爲悉何在足下喜爲大言呂誣天下天下之人安可盡誣古者兵交使在其閑造策者非布先唱也相去不遠可復相聞

魏志呂布傳注引英雄記

與琅邪相蕭建書

天下舉兵本以誅董卓耳布殺卓來詣關東欲求兵西迎大駕光復洛京諸將自還相攻莫肯念國布五原人也去徐州五千餘里

乃在天西北角。今不來共爭天東南之地。莒與下邳相去不遠。宜當共通。君如自遂。曰爲郡郡作帝縣。縣自王也。昔樂毅攻齊。呼吸下齊七十餘城。唯莒即墨二城不下。所曰然者。中有田單故也。布雖非樂毅。君亦非田單。可取布書。與智者詳共議之。魏志呂布傳注引英雄記

李傕

傕字稚然。北地人。初平中。曰校尉從董卓屠牛輔屯陝。卓誅求赦不得。攻破長安。自爲揚武將軍。遷車騎將軍。開府。領司隸校尉。假節封列侯。興平中。自爲大司馬。建安三年。伏誅。傳首許市。表劾裴茂之。

茂之擅出囚徒。疑有姦故。宜置不理。袁宏後漢紀二十七又後漢董卓傳末句作請收之

田豐

豐字元皓。鉅鹿人。或云勃海人。初辟太尉府。舉茂才。遷侍御史。曰閹宦擅朝。棄官歸里。袁紹領冀州。引爲別駕。曰諫忤指繫獄。

及官渡敗還見殺

說袁紹襲許

與公爭天下者曹操也操今東擊劉備兵連未可卒解今舉軍而襲其後可一往而定兵已幾動斯其時也

後漢袁紹傳

諫攻許

曹操既破劉備則許下非復空虛且操善用兵變化無方眾雖少未可輕也今不如久持之將軍據山河之固擁四州之眾外結英雄內修農戰然後簡其精銳分爲奇兵乘虛迭出已擾河南救右則擊其左救左則擊其右使敵疲于奔命人不得安業我未勞而彼已困不及三年可坐刺也今釋廟勝之策而決成敗于一戰若不如志悔無及也

後漢袁紹傳又見魏志袁紹傳少首二語

沮授

授廣平人仕州別駕舉茂才歷二縣令初平初韓馥引爲別駕

進騎都尉袁紹領冀州復爲別駕表拜奮武將軍監護諸將官渡之敗爲曹操所擒見殺

說袁紹

將軍弱冠登朝播名海內值廢立之際則忠義憤發卓雖凶暴弗能加兵昔相如叱秦晏嬰哭莊方之將軍曷足已喻單騎出奔則卓懷怖懼濟河而北則勃海稽首擁一郡之卒撮冀州之眾威震河朔名重天下雖黃巾猾亂黑山跋扈舉軍東向則青州可定還討黑山則張燕可滅回師北首則劉虞必喪震脅戎狄則匈奴順從橫大河之北合四州之地收英雄之用擁百里之眾迎大駕于長安復宗廟于洛邑號令天下曰討未服曰此爭鋒誰敢禦之比及數年此功不難

袁宏後漢紀二十六又見後漢袁紹傳魏志袁紹傳皆有刪節

說袁紹迎天子都鄴

將軍累葉輔弼世濟忠義今朝廷播越宗廟毀壞觀諸州郡外託

義兵內圖相滅未有存主卹民者且今州城麤定宜迎大駕安宮

鄴都挾天子而令諸侯畜士馬曰討不庭誰能禦之後漢袁紹傳注引獻帝傳

又見後漢袁紹傳文

袁宏後漢紀二十八

諫袁紹出長子譚為青州

世稱一兔走衛萬人逐之一人獲之貪者悉止分定故也且年均

曰賢德均曰卜古之制也願上惟先代成敗之戒下思逐兔分定

之義魏志袁紹傳注引九州春秋又見後漢袁紹傳又袁宏後漢紀二十九

諫南師

師出歷年百姓疲弊倉廩無積賦役方殷此國之淡憂也宜先遣

使獻捷天子務農逸民若不得通乃表曹氏隔我王路然後進屯

黎陽漸營河南益作舟船繕治器械分遣精騎鈔其邊鄙令彼不

得安我取其逸三年之中事可坐定也魏志袁紹傳注引獻帝傳紹將南師沮授田豐諫又

見後漢袁紹傳袁宏後漢紀二十九

蓋救亂誅暴謂之義兵恃眾憑疆謂之驕兵兵義無敵驕者先滅
曹氏迎天子安宮許都今舉師南向于義則違且廟勝之策不在
疆弱曹氏法令既行士卒精練非公孫瓚坐受圍者也今棄萬全
之術而興無名之兵竊為公懼之同上

諫濟河

勝負變化不可不詳今宜留屯延津分兵官渡若其克獲還迎不
晚設其有難眾弗可還魏志袁紹傳注引獻帝傳紹將濟河祖俊諫

審配

配字正南魏郡人袁紹領冀州引為治中後事袁尚及鄴城破
為曹操所擒見殺

獻書袁譚

配聞良藥苦口而利于病忠言逆耳而便于行願將軍放心抑怒
終省愚辭蓋已上三十字從後漢書備春秋之義國君死社稷忠臣死王命苟

有圖危宗廟敗亂國家王綱典律親疏一也是曰周公垂泣而整
管蔡之獄季友歔歔而行鍼叔之鳩何則義重人輕事不得已也
昔衛靈公廢蒯瞶而立輒蒯瞶爲不道入戚曰篡衛師伐之春秋
傳曰曰石曼姑之義爲可已拒之是曰蒯瞶終獲叛逆之罪而曼
姑永享忠臣之名父子猶然豈況兄弟乎昔先公廢紂將軍曰續
賢兄立我將軍曰爲適嗣上告祖靈下書譜牒先公謂將軍爲兄
子將軍謂先公爲叔父海內遠近誰不備聞且先公卽世之日我
將軍斬衰居廬而將軍齋于聖室出入之分于斯益明是時凶臣
逢紀妄畫蛇足曲辭諂媚交亂懿親我將軍奮赫然之怒誅不旋
時將軍亦奉命承冒加曰淫刑自是之後離疽破潰骨肉無絲髮
之嫌自疑之臣皆保生全之福故悉遣彊胡簡命名將料整器械
選擇戰士殫府庫之財竭食土之實其所曰供奉將軍何求而不
備君臣相率共衛旌麾戰爲雁行賦爲幣主雖傾倉覆庫剪剝民

物上下欣載莫敢告勞何則推戀戀忠赤之情盡家家肝腦之計
唇齒輔車不相爲賜謂爲將軍心合意同混齊一體必當并威偶
勢禦寇盜家何圖凶險讒慝之人造飾無端誘導姦利至令將軍
翻然改圖忘孝友之仁聽豺狼之謀誣先公廢立之言遠近者在
喪之位悼綱紀之理不顧逆順之節橫易冀州之主欲當先公之
繼遂放兵鈔撥屠城殺吏交尸盈原裸民滿野或有髡髮膚割
截支體冤魂痛于幽冥創痍號于草棘又乃圖獲鄴城許賜秦胡
財物婦女豫有分界或云告令吏士云孤雖有老母輒使身體完
具而已聞此言者莫不驚愕失氣悼心揮涕使太夫人憂哀憤慙
于堂室我州君臣士友假寐悲歎無所措其手足念欲靜師拱默
已聽執事之圖則懼違春秋死命之節貽太夫人不測之患隕先
公高世之業且三軍憤慨人懷私怒我將軍辭不獲已已及館陶
之役是時外爲禦難內實乞罪既不見赦而徒屬各二三其心臨

陣叛戾我將軍進退無功首尾受敵引軍奔避不敢告辭亦謂將
軍當少垂親親之仁既已緩追之惠而乃尋蹤躡軌無所逃命困
獸必鬪已干嚴行而將軍師旅土崩瓦解此非人力乃天意也是
後又望將軍改往修來克已復禮追還孔懷如初之愛而縱情肆
怒趣破家門企踵鶴立連結外讎散鋒放火播增毒螫烽烟相望
涉血千里遺城厄民引領悲怨雖欲勿救惡得已哉故遂引軍東
轅保正疆場雖近郊壘未侵境域然望旌麾能不永歎伏惟將軍
至孝蒸蒸發于岐嶷友于之性生于自然章之已聰明行之已敏
達覽古今之舉措觀興敗之徵符輕榮財于糞土貴名位于正岳
何意奄然迷沈墮賢哲之操積怨肆忿取破家之禍翹企延頸待
望讎敵委慈親于虎狼之牙已逞一朝之志豈不痛哉伏惟已下
百字從後
漢書配等備先公家臣奉廢立之命而圖等于國亂家禮有常刑
故奮弊州之賦已除將軍之疾若乃天啟于心早行其誅則我將

軍制劄悲號于將軍股掌之上配等亦袒躬布體已待斧鉞之刑
若必不悛有已國斃國頭不縣軍不旋踵願將軍詳度事宜錫已
環玦魏志袁紹傳注引漢晉春秋又後漢袁紹傳各有刪節今合錄之

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷八十五終

全後漢文卷八十五終

全後漢文卷八十六

烏程嚴可均校輯

劉熙

熙字成國北海人

北海屬青州部故伏滄青楚人物論曰劉成國為青士有才德者

官位未詳

有諡法注三卷釋名八卷

蓋別有一書或珍創始而劉熙踵成之也隋唐志作劉熙撰不書官位今所見舊刻本或題安南太守劉熙注則舊刻本亦有所據然恐不確唐調露元年始改交州總

守或題徵士隋志大戴禮注梁有諡法三卷後漢安南太守劉熙注則舊刻本亦有所據然恐不確唐調露元年始改交州總管府為安南都護府前此交趾並無安南之稱近人或云當作南安亦不確南本漢天水東漢改為漢陽續志漢陽郡注補引秦州記中平二年分置南安郡魏改為漢陽續志漢陽郡注補涼州刺史部而劉熙久居交州陳壽言之再四蜀志許慈傳師事劉熙建安中自交州入蜀吳志韋曜傳見劉熙所作釋名信多佳者程秉傳避亂交州與劉熙在交州他獻帝初年或先士變傳少避地交州從劉熙學計熙在南其為徵士亦不見于史故皆為太守殆未可知然不當稱安南其為徵士亦不見于史故皆不從又案後漢光武十五年王傳別有劉熙建安十一年嗣琅邪王璉志劉覆傳覆孫熙嘉平六年嗣琅邪建成鄉侯姓名偶同非即其人也

釋名序

熙曰爲自古造化制器立象有物已來迄于近代或典禮所制或出自民庶名號雅俗各方名殊聖人于時就而弗改已成其器著于既往哲夫巧士已爲之名故興于其用而不易其舊所已崇易簡省事功也夫名之于實各有義類百姓日用而不知其所已之意故撰天地陰陽四時邦國都鄙車服喪紀下及民庶應用之器論敘指歸謂之釋名凡二十七篇至于事類未能究備凡所不載亦欲智者已類求之博物君子其于答難解惑王父幼孫朝夕侍問已塞可謂之士聊可省諸

釋名
宋本

王商

商字文表廣漢人劉璋辟爲治中從事進蜀郡太守在郡十年卒于官

與秦宓書

貧賤困苦亦何時可已終身卞和銜玉已耀世宜一來與州尊相

見蜀志秦

宋衷

衷一作忠字仲子南陽章陵人劉表據荊州辟爲五業從事有

周易注十卷太玄經注九卷法言注十三卷

與王商書

文休倜儻瑰瑋有當世之具足下當已爲指南

蜀志許靖傳靖字文休

穎容

容字子嚴陳國長平人師事楊賜郡舉孝廉州辟公車徵皆不就初平中避亂荊州劉表已爲武陵太守不起建安中卒有春

秋釋例十卷

春秋釋例序

漢興博物洽聞著述之士前有司馬遷揚雄劉歆後有鄭眾賈逵班固近卽馬融鄭玄其所著作遵義正者遷尤多畧舉一兩事已

言之史記不識畢公文王之子而言與周同姓揚雄著法言不識
六十四卦云所從來尙矣御覽六十八

司馬徽

徽字德操潁川陽翟人

與劉恭嗣書劉與字恭嗣

黃旗紫蓋恆見東南終成天下者揚州之君乎文選謝元暉始出
尚書省詩注陸倕

石闕
銘注

誠子書

聞汝充役室如懸磬何已自辨論德則吾薄說居則吾貧勿已薄
而志不壯貧而行不高也魏文類聚
二十三

許貢

貢建安初吳郡太守

上表漢帝

孫策驍雄與項籍相侔宜加貴寵召還京邑若被詔不得不還若放于外必作世患

吳志孫討逆傳注引江表傳

梁紹

紹初平末爲尚書

奏劾吳頤

頤曰瓦器奉職天臺不思先公而務私家背奧媚寵苟諂大臣昔孔子誅少正卯曰顯刑戮頤宜放肆曰懲姦僞若久舍不黜必縱其邪惑傷害忠正爲患不細

袁宏後漢紀二十七

田疇

疇字子泰右北平無終人爲幽州牧劉虞從事後爲司空曹公戶曹掾終議郎

奏記曹公辭賜絹穀

東曹掾田疇言前曰無功橫被封賞之賜曰實自歸教從所執昨

到下車見絹三千疋穀五千斛驚愕怪懼未敢自盜乞還藏府巨
為軍儲御覽

李固

固興平初為左中郎將

與弟圖書

固今年五十七髣髴已白所為容身而遊滿腹而去周觀天下獨

未見益州耳昔嚴夫子嘗言經有五涉其四州有九遊其八欲類

此子矣

水經江水注一案李太尉益州人卒年五十四今此言

獻帝起居注天子使左中郎將李固持節拜李儼為

大司馬後漢范滂傳云與漢中李固善蓋即其人

李術

術汝南人孫策表為廬江太守策死拒命建安六年為孫權所

攻城破見殺

報孫權移書

有德見歸無德見叛不應復還

吳志孫權傳注引江表傳

張紘

紘字子綱廣陵人孫策表爲正議校尉建安四年至許拜侍御

史明年出爲會稽東部都尉尋爲孫權討虜長史有集二卷

張紘

紘吳志有傳隋志及藝文類聚御覽皆列于後漢今從之

瓊材枕賦

有卓爾之殊瓊超詭異已邈絕且其材色也如芸之黃其爲香也如蘭之芳其文彩也如霜地而金莖紫葉而紅榮有若蒲陶之蔓延或如兔絲之煩縈有若嘉禾之垂穎又似靈芝之吐英其似木者有類挂枝之闌干或象灌木之叢生其似鳥者若驚鵲之徑逝或類鴻鵠之上征有若孤雌之無味或效鴛鴦之交頸紛雲興而氣蒸般星羅而流精何眾文之罔朗灼儵爚而發明曲有所方事有所成每則異姿動各殊名眾夥不可殫形制爲方枕四角正端

會緻密固絕際無閒形妍體法既麗且閑高卑得適辟堅每安不
屑珠碧之飾助不煩錐鋒之鐫鏤無丹漆之彤朱罔鰐象之佐副
較程形而靈露真觀妙該而悉備珪璋特達璆璠富也美梓遠巡
不敢與竝相思庶幾晞風于未列神龍之姿眾鱗相絕昔詩人稱
角枕之粲季世加已錦繡之飾皆比集異物費日勞力傷用害民
有損于德豈如茲瓊既剖既斲斯須速成一材而已莫與混并繼
微無加而美曄春榮其文類聚七十御覽七百七案吳志張紇
傳注引吳書紇有拂拂枕賦亦見北堂書鈔
一百三十四御覽七百七
未知卽瓊村枕賦否俟考
爲孫會稽責袁術僭號書

蓋上天垂司過之星聖王建敢諫之鼓設非謬之備急箴闕之言
何哉凡有所長必有所短也去冬傳有大計無不悚懼旋知供備
貢獻萬夫解惑頃聞建議復欲追遵前圖卽事之期便有定月益
使憮然想是流妄設其必爾民何望乎曩日之舉義兵也天下之

士所已響應者。董卓擅廢置害太后。弘農王略。悉宮人發掘園陵。暴逆至此。故諸州郡雄豪聞聲慕義。神武外振。卓遂內殲。元惡既斃。幼主東顧。俾保傳宣命。欲令諸軍振旅于河北。通謀黑山。曹操放毒。東齊劉表。稱亂南荆。公孫瓚。熈然北幽。劉繇。使力江許。劉備爭盟淮隅。是已未獲承命。繫弓戢戈也。今備繇既破。操等飢餒。謂當與天下合謀。已誅醜類。捨而不圖。有自取之志。非海內所望。一也。昔成湯伐桀。稱有夏多罪。武王伐紂。曰殷有罪罰重哉。此二王者。雖有聖德。宜當君世。如使不遭其時。亦無由興矣。幼主非有惡于天下。徒已春秋尙少。脅于彊臣。若無過而奪之。懼未合于湯武之事。二也。卓雖狂狡。至廢主自與。亦猶未也。而天下聞其桀虐。攘臂同心而疾之。已中土希戰之兵。當邊地勁悍之虜。所已斯須游魂也。今四方之人。皆玩敵而便戰鬪矣。可得而勝者。已彼亂而我治。彼逆而我順也。見當世之紛若。欲大舉已臨之。適足取禍。三也。

天下神器不可虛干。必須天贊與人力也。殷湯有白鳩之祥。周武有赤鳥之瑞。漢高有星聚之符。世祖有神光之徵。皆因民困憊于桀紂之政。毒苦于秦莽之役。故能芟去無道。致成其志。今天下非患于幼主。未見受命之應驗。而欲一旦卒然登卽尊號。未之或有四也。天子之貴。四海之富。誰不欲焉。義不可勢不得耳。陳勝項籍王莽公孫述之徒。皆南面稱孤。莫之能濟。帝王之位。不可橫翼。五也。幼主岐嶷。若除其偏。去其鯁。必成中興之業。夫致主于周成之盛。自受旦奭之美。此誠所望于尊明也。縱使幼主有他改異。猶望推宗室之譜。屬論近親之賢良。已紹劉統。已固漢宗。皆所已書功金石。圖形丹青。流慶無窮。垂聲管絃。捨而不爲。爲其難者。想明明之素必所不忍。六也。五世爲祖。權之重。勢之盛。天下莫得而比焉。忠貞者必曰。宜夙夜思惟。所已扶國家之躓頓。念社稷之危殆。已奉祖考之志。已報漢室之恩。其忽履道之節。而彊進取之欲者。將

曰天下之人非家吏則門生也。孰不從我。四方之敵非吾匹。則吾役也。誰能違我。蓋乘累世之勢起而取之哉。二者殊數。不可不詳察者也。所貴于聖哲者。曰其審于機宜。慎于舉措。若難圖之事。難保之勢。曰激羣敵之氣。曰先眾人之心。公義既不可。私計又不利。明哲不處。八也。世人多惑于圖緯。而羣非類。比合文字。曰悅所事。苟曰阿上惑眾。終有後悔者。自往迄今。未嘗無之。不可不深擇而熟思。九也。九者。尊明所見之餘耳。庶備起予補所遺忘。忠言逆耳。幸留神聽。吳志孫討逆傳注引吳錄策使張紘爲書又引典略云張昭之辭袁宏後漢紀亦作張昭裴松之曰此書必紘所

作董卓無道。陵虐王室。禍加太后。暴及少農。天子播越。宮廟焚毀。是曰豪傑發憤。沛然俱起。元惡旣斃。幼主東顧。乃使王人奉命宣明朝恩。偃武修文。與之更始。然而河北異謀于黑山。曹操毒破于東。徐劉表僭亂于南荆。公孫叛逆于朔北。正禮阻兵。玄德爭盟。是曰

未獲從命，爰弓戢戈，嘗謂使君與國同規，而舍是弗恤，完然有自取之志，懼非海內企望之意也。成湯討桀，稱有夏多罪，武王伐紂，曰殷有重罰，此二王者，雖有聖德，假使時無失道之過，無由逼而取也。今主上非有惡于天下，徒曰幼小，脅于彊臣，異于湯武之時也。又聞幼主明智聰敏，有夙成之德，天下雖未被其恩，咸歸心焉。若輔而興之，則旦奭之美，率土所望也。使君五世相承，為漢宰輔，榮寵之盛，莫與為比，宜效忠守節，已報王室。時人多惑圖緯之言，妄牽非類之文，苟曰悅主為美，不顧成敗之計。古今所慎，可不孰慮，忠言逆耳，駁議致憎，苟有益于尊明，無所敢辭。

與書諫又見袁宏後漢紀二十九作張昭為策書諫
案此即吳錄所載張紘書而有剛節文亦小異

與孔融書

虞仲翔前頗為論者所侵，美寶為質，彫摩益光，不足已損。

吳志虞翻傳

臨困授子靖畱牋

自古有國有家者咸欲修德政比隆盛世至于其治多不聲言
非無忠臣賢佐闔于治體也由主不勝其情弗能用耳夫人情憚
難而趣易好同而惡異與治道相反傳曰從善如登從惡如崩言
善之難也人君承奕世之基據自然之勢操八柄之威甘易同之
歡無假取于人而出臣挾難進之術吐逆耳之言其不合也不亦
宜乎雖則有聲巧辯緣閒眩于小忠戀于恩愛賢愚雜錯長幼失
敘其所由來情亂之也故明君悟之求賢如飢渴受諫而不厭抑
情損欲曰義割恩上無偏謬之授下無希冀之望宜加三思含垢
藏疾曰成仁覆之大

吳志張
紱傳

環材枕箴

或或其文馥馥其芬出自幽阻升于氈茵允環允麗惟淑惟珍安
安文枕貳彼弁冠冠御于晝枕式于昏代作充用榮已寧身興寢
有節適性和神

藝文類聚七十又略見北
堂書鈔一百三十四作銘

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷八十七

烏程嚴可均校勘

關衡

衡字正平，平原般人。興平中，避亂荊州。建安初，來遊許下。曹公忿其侮慢，召爲鼓吏，尋送與劉表。表復送與黃祖，見殺。有集二卷。

鸚鵡賦

時黃祖太子射賓客大會，有獻鸚鵡者。舉酒于衡前曰：「關處士今日無用娛賓，竊以此鳥自遠而至，明慧聰善，羽族之可貴。願先生爲之賦，使四坐咸共榮觀，不亦可乎？」衡因爲賦，筆不停綴，文不加點。其辭曰：

惟西域之靈鳥兮，挺自然之奇姿。體金精之妙質兮，合火德之明輝。性辯慧而能言兮，才聰明且識機。故其嬉遊高峻，栖峙幽深，飛

不妄集。翔必擇林。紺趾丹噴。綠衣翠衿。采采麗容。皎皎好音。雖同族于羽毛。固殊智而異心。配鸞皇而等美。焉比德于眾禽。于是羨芳聲之遠暢。偉靈表之可嘉。命虞人于隴坻。詔伯益于流沙。跨崑崙而播弋。冠雲霓而張羅。雖網維之備設。終一目之所加。且其容止閑暇。守植安停。逼之不懈。撫之不驚。寧順從已遠害。不違迕已喪生。故獻全者受賞。而傷肌者被刑。爾迺歸窮委命。離羣喪侶。閉已雕籠。翦其翅羽。流飄萬里。崎嶇重阻。踰岷越障。戒罹寒暑。女辭家而適人。臣出身而事主。彼賢哲之逢患。猶棲遲已羈旅。矧禽鳥之微物。能馴擾已安處。眷西路而長懷。望故鄉而延佇。忖陋體之腥臊。亦何勞于鼎俎。嗟祿命之衰薄。奚遭時之險巇。豈言語已階亂。將不密已致危。痛母子之永隔。哀伉儷之生離。匪餘年之足惜。慙眾雛之無知。背蠻夷之下國。侍君子之光儀。懼名實之不副。恥才能之無奇。羨西都之沃壤。識苦樂之異宜。懷代越之悠思。故每

言而稱斯。若迺少昊司辰。葳收整轡。嚴霜初降。涼風蕭瑟。長吟遠慕。哀鳴感類。音聲悽已。激揚容貌。慘已顛顚。聞之者悲傷。見之者隕淚。放臣爲之屢歎。棄妻爲之歔歔。感平生之游處。若墟廐之相須。何今日之兩絕。若胡越之異區。順籠檻已俯仰。闔戶牖已踟躕。想崑山之高嶽。思鄧林之扶疏。顧六翩之殘毀。雖奮迅其焉如。心懷歸而弗果。徒怨毒于一隅。苟竭心于所事。敢背惠而忘初。託輕鄙之微命。委陋賤之薄軀。期守死已報德。甘盡辭已效愚。恃隆恩于既往。庶彌久而不渝。文選類聚卷九十一

書

訓夷皓之風

文選顏延之陶徵士誄注

魯夫子碑

受天至精。純粹睿哲。崇高足已。長世寬容。足已廣包。幽明足已測。神文藻足已辯物。然而敏學已求之下。問已諏之。虚心已受之。深

思曰詠之。愍周道之迴遙。悼九疇之乖悖。故發憤忘食。應聘四方。魯曰大夫之位。任曰國政之權。譬若飛鴻鸞于中庭。騁騏驥于閭巷也。是曰期月之頃。五教克諧。移風易俗。邦國肅焉。無思不服。懿文德曰紆餘綴三五之紀綱。流洪耀之休赫。曠萬世而揚光。夫大明曰動天則也。廣大無疆地德也。六經混成洪式也。備此三者聖極也。合吉凶于鬼神。遂俎落于夢寐。是曰風烈流行。無所不通。故立石銘勳。曰示昭明。辭曰。

煌煌上天。篤降若人。邈矣悠哉。千祀一鄰。明德弘監。情性存存。奕奕純嘏。稽憲乾坤。曜彼靈祇。曰訓黎元。終日乾乾。配天之行。在陰而正。在困而亨。窮達之運。委諸穹蒼。日月則陰。天地不光。聖廟殂崩。大猷不綱。藝文類聚二十

顏子碑

稟天地之純和。鍾嶽瀆之休靈。睿哲之姿。誕自初育。英絕之木顯。

乎嬰孩在束脩之齒入宣尼之室德行邁于三千仁風橫于萬國
知微知章聞一覺十用行舍藏與聖合契名爲四友之冠實盡端
附之益爾乃安陋巷挹清風甘簞瓢自充飢雖屢空而不憂于時
河不出圖周祚未訖仲尼無舜禹之功先生抱元凱之烈乃刊玄
石而旌之

此句從文選褚淵碑注頭陀寺碑注補

其辭曰

亞聖德蹈高蹤遊洙泗肅禮容備懿體心彌沖秀不實振芳風配
聖饋圖辟雍紀德行昭罔窮

此文類聚二十初學記十七

弔張衡文

南嶽有精君誕其姿清和有理君達其機故能下筆繡辭揚手文
飛昔伊尹值湯呂望遇旦嗟矣君生而獨值漢蒼蠅爭飛鳳皇已
散元龜可霸河龍可紂石堅而朽星華而滅惟道興隆悠永靡絕
君音永浮河水有竭君聲永流旦光沒發余生雖後身亦存遊士
貴知己君其勿憂

御覽五百九十六

潘勖

勖字元茂初名芝陳畱中牟人獻帝時爲尙書郎遷右丞除東海相未行畱爲尙書左丞有集二卷

玄達賦

一作玄達賦

匪偏人之自遺

訴諸衷于來哲文選謝靈運擬鄴中集詩注

冊魏公九錫文

建安十八年五月

制詔使持節丞相領冀州牧武平侯朕曰不德少遭閔凶越在西土遷于唐衛當此之時若綴旒然宗廟乏祀社稷無位羣凶競亂分裂諸夏一人尺土朕無獲焉卽我高祖之命將墜于地朕用夙興假寐震悼于厥心曰惟祖惟父股肱先正其孰恤朕躬乃誘天衷誕育丞相保乂我皇家弘濟于艱難朕實賴之今將授君典禮其敬聽朕命昔者董卓初興國難羣后失位曰謀王室君則攝進首啟戎行此君之忠于本朝也後及黃巾反易天常侵我三州延

于平民君又討之、剪除其迹、曰：盍東夏！此又君之功也。韓暹、楊奉、專用威命、又賴君勳、克黜其難、遂建許都、造我京畿、設官兆祀、不失舊物、天地鬼神于是獲又。此又君之功也。袁術僭逆、肆于淮南、惴惴君靈、用不顯謀、斬陽之役、橋蕤授首、稜威南厲、術曰殲、此又君之功也。迴戈東指、呂布就戮、乘軒將反、張揚沮斃、眭固伏罪、張繡稽服。此又君之功也。袁紹逆亂、天常謀危社稷、憑恃其眾、稱兵內侮。當此之時、王師寡弱、天下寒心、其有固志、君執大節、精貫白日、奮其武怒、運諸神策、致屈官渡、大殲醜類、俾我國家、拯于危墜。此又君之功也。濟師、洪河、拓定四州、袁譚高幹、咸梟其首、海盜奔迸、黑山順軌。此又君之功也。烏丸三種、崇亂二世、袁尚囚之、逼據塞北、東馬懸車、一征而滅。此又君之功也。劉表背誕、不供貢職、王師首路、威風先逝、百城八郡、交臂屈膝。此又君之功也。馬超成宜、同惡相濟、濱據河潼、求逞所欲、殄之渭南、獻馘萬計、遂定邊城。

撫和戎狄此又君之功也鮮卑丁令重譯而至單于白屋請吏帥
職此又君之功也君有定天下之功重之曰明德班敘海內宣美
風俗旁施勤敏恤愼刑獄吏無苛政民不回慝敦崇帝族援繼絕
世舊德前功罔不成秩雖伊尹格于皇天周公光于四海方之蔑
如也朕聞先王竝建明德胙之曰土分之曰民崇其寵章備其禮
物所曰蕃衛王室左右厥世也其在周成管蔡不靖懲難念功乃
使邵康公錫齊太公履東至于海西至于河南至于穆陵北至于
無棣五侯九伯實得征之世胙太師曰表東海爰及襄王亦有楚
人不供王職又命晉文登爲侯伯錫曰二轂虎賁鈇鉞鉅鬲弓矢
大啟南陽世作盟主故周室之不壞繫二國是賴今君稱丕顯德
明保朕躬奉答天命導揚弘烈綏爰九域罔不率俾功高乎伊周
而賞卑乎齊晉朕甚惡焉朕曰眇眇之身託于兆民之上永思厥
艱若涉淵水非君攸濟朕無任焉今日冀州之河東河內魏郡趙

國中山鉅鹿常山安平甘陵平原凡十郡封君爲魏公使使持節
御史大夫慮授君印綬冊書金虎符第一至第五竹使符第一至
第十錫君玄土其曰白茅爰契爾龜用建冢社昔在周室畢公毛
公入爲卿佐周邵師保出爲二伯外內之任君實宜之其曰丞相
領冀州牧如故今更下傳璽肅將朕命曰允華夏其上故傳武平
侯印綬今又加君九錫其敬聽後命曰君經緯禮律爲民軌儀使
安職業無或遷志是用錫君大輅戎輅各一玄牡二駟君勸分務
本嗇民昏作粟帛滯積大業惟興是用錫君衮冕之服赤舄副焉
君敦尚謙讓俾民興行少長有禮上下咸和是用錫君軒懸之樂
六佾之舞君翼宣風化爰發四方遠人回面華夏充實是用錫君
朱戶曰居君研其明哲思帝所難官才任賢羣善必舉是用錫君
納陛曰登君秉國之均正色處中纖毫之惡靡不抑退是用錫君
虎賁之士三百人君糾虔天刑章厥有罪犯闕干紀莫不誅殛是

用錫君鉄鉞各一君龍驤虎視旁眺八維揜討逆節折衝四海是用錫
君彤弓一彤矢百旅弓十旅矢千君曰溫恭爲基孝友爲德明允
篤誠感乎朕思是用錫君秬鬯一卣珪瓚副焉魏國置丞相曰下
羣卿百僚皆如漢初諸侯王之制君往欽哉敬服朕命簡恤爾眾
時亮庶功用終爾顯德對揚我高祖之休命文選袁宏後漢紀三十魏志武帝紀
擬連珠

臣聞媚上曰布利者臣之常情主之所患忘身曰憂國者臣之所
難主之所願是曰忠臣背利而脩所難明主排患而獲所願魏文
五十

尙書令荀彧碑

瓌姿奇表魏志荀彧傳注

夫其爲德也則主忠履信孝友溫惠高亮曰罔其中柔嘉曰宣其
外廉慎曰爲己任仁恕曰察人物踐行則無轍迹出言則無辭費

納規無敬辱之心機情有密靜之性若乃奉身蹈道勸禮貴德後
之事聞匪云子克然後敎曰黃中之微守曰貞固之直注焉若洪
河之源不可竭也確焉若華嶽之倜不可拔也故能言之斯立行
之斯成身匪隆汙直哉惟情素綱用亂廢禮復經于是百揆時序
王猷允塞告厥成功用俟萬歲魏文貞駢四十八
男女老幼里號巷哭文選沈約齊安陸昭王碑注

高訪

誘涿郡涿人建安中曹公辟爲司空掾除東郡濮陽令遷監河
東有戰國策注三十二卷呂氏春秋注二十六卷淮南子注二
十一卷又有孝經解孟子章句若干卷案舊本呂氏春秋序題
序云白誘之少從故侍中同縣盧君受其句讀謂
慮子幹也誘由濮陽令遷監河東因誤題河東耳

道賢論

潛公道素淵重有遠大之量劉伶肆意放蕩曰字由爲小雖高栖

之業劉所不及而曠大之體同焉

高僧傳四道潛字法深王敦弟

呂氏春秋序

呂不韋者濮陽人也爲陽翟之富賈家累千金秦昭襄王者孝公之曾孫惠文王之孫武烈王之子也太子死呂庶子安國君柱爲太子柱有子二十餘人所幸妃號曰華陽夫人無子安國君庶子名楚其母曰夏姬不甚得幸令楚質于趙而不能顧質數東攻趙趙不禮楚時不韋賈于邯鄲見之曰此奇貨也不可失乃見楚曰吾能大子之門楚曰何不大君之門乃大吾之門邪不韋曰子不知也吾門待子門大而大之楚默幸之不韋曰昭襄王老矣而安國君爲太子竊聞華陽夫人無子能立適嗣者獨華陽夫人耳請以千金爲子西行事安國君令立子爲適嗣不韋乃以寶玩珍物獻華陽夫人因言楚之賢呂夫人爲天母日夜涕泣思夫人與太子夫人大喜言于安國君于是立楚爲適嗣華陽夫人呂爲己子

使不韋傳之不韋取邯鄲姬已有身楚見說之遂獻其姬至楚所
生男名之曰正楚立之爲夫人暨昭襄王薨太子安國君立華陽
夫人爲后楚爲太子安國君立一年薨諡爲孝文王太子楚立是
爲莊襄王曰不韋爲丞相封爲文信侯食河南雒陽十萬戶莊襄
王立三年而薨太子正立是爲秦始皇帝尊不韋爲相國號稱仲
父不韋乃集儒書使著其所聞爲十二紀八覽六論訓解各十餘
萬言備天地萬物古今之事名爲呂氏春秋暴之咸陽市門懸千
金其上有能增損一字者與千金時人無能增損者誘曰爲時人
非不能也蓋憚相國畏其勢耳然此書所尙曰道德爲標的曰無
爲爲綱紀曰忠義爲品式曰公方爲檢格與孟軻孫卿淮南揚雄
相表裏也是曰著在錄略誘正孟子章句作淮南孝經解畢訖家
有此書譯繹案省大出諸子之右既有脫誤小儒又曰私意改定
猶慮傳義失其本真少能詳之故復依先儒舊訓輒乃爲之解焉

呂述古儒之旨凡十七萬三千五十四言若有紕繆不經後之君子斷而裁之比其義焉

呂氏春秋
元刊本

淮南子敘

淮南王名安。厲王長子也。長高皇帝之子也。其母趙氏女。爲趙王張敖美人。高皇帝七年。討韓信于銅鞮。信亡走匈奴。上遂北至樓煩。還過趙。不禮趙王。趙王獻美女。趙氏女得幸有身。趙王不敢內之于宮。爲築舍于外。及貫高等謀反發覺。并逮治王。盡收王家及美人。趙氏女亦與焉。吏已得幸有身。聞上方怒趙王未理也。趙美人弟兼。因辟陽侯。審食其言之呂后。呂后不肖。白辟陽侯亦不强爭。及趙美人生男。悲而自殺。吏奉男詣上。上命呂后母之。封爲淮南王。暨孝文皇帝卽位。長弟上書願相見。詔至長安。日從游宴。驕蹇如家人兄弟。怨辟陽侯不爭其母于呂后。因椎殺之。上非之。肉袒北闕謝罪。奪四縣還歸國。爲黃屋左纁。稱東帝。坐徙蜀嚴道。

死干雍上閔之封其四子爲列侯時民歌之曰一尺縉好章童一
升粟飽蓬蓬兄弟二人不能相容上聞之曰呂我貪其地耶乃召
四侯而封之其一人病薨長子安襲封淮南王次爲衡山王次爲
廬江王太傅賈誼諫曰怨讎之人不可貴也後淮南衡山卒反如
賈誼言初安爲辯達善屬文皇帝爲從父數上書召見孝文皇帝
甚重之詔使爲離騷賦自旦受詔日早食已上愛而秘之天下方
術之士多往歸焉于是遂與蘇飛李尙左吳田由雷被毛被伍被
晉昌等八人及諸儒大山小山之徒共講論道德總統仁義而著
此書其旨近老子淡泊無爲蹈虛守靜出入經道言其大也則齋
天載地說其細也則淪于無垠及古今治亂存亡禍福世間詭異
環奇之事其義也著其文也富物事具類無所不載然其大較歸
之于道號曰鴻烈鴻大也烈明也呂爲大明道之言也故夫學者
不論淮南則不知大道之之深也是呂先賢通儒述作之士莫不

授采呂驗經傳。呂父諱長。故其所著諸長字。皆曰脩。光祿大夫劉向校定撰具名之淮南。又有十九篇者。謂之淮南外篇。自誘之少從故侍中同縣廬君受其句讀。誦舉大義。會遭兵災。天下棋峙。亡失書傳。廢不尋修。二十餘載。建安十年。辟司空掾。除東郡濮陽令。觀時人少爲淮南者。懼遂淩遲。于是呂朝輔事畢之間。乃深恩先師之訓。參呂經傳道家之言。比方其事。爲之注解。悉載本文。并舉音讀。典農中郎將并捐借八卷。刺之。會捐身喪。遂亡不得至。十七年。遷監河東。復更補足。淺學寡見。未能備悉。其所不達。注呂未聞唯博物君子覽而詳之。呂勸後學者云耳。淮南鴻烈解道藏本動字號

仲長統

統字公理。山陽高平人。建安中。荀彧舉爲尚書郎。尋參丞相軍事。延康元年卒。有昌言十二卷。

答鄧義社主難

荀彧問仲長統曰社所祭者何神也統答所祭者土神也侍中鄧
義曰爲不然而難之或令統答焉統答義曰前見逮及敢不做對
退熟惟省郊社之祭國之大事誠非學淺思薄者所宜興論重復
亦曰鄧君雖事有先漸議則旣行可謂辭而不可得因而不可已
者也屯有經綸之義睽有異同之辭歸于建國立家通志斷類也
意則欲廣其微曰宗實備其論曰求真先難而後易出異而歸同
乎難曰社祭土主陰氣正所謂句龍土行之官爲社則主陰明矣
不與記說有違錯也答曰今記之言社輒與郊連體有本末辭有
上下謂之不錯不可得禮運曰政必本于天殺曰降命命降于社
之謂殺地參于天地竝于鬼神又曰祭帝于郊所曰定天位也祀
社于國所曰列地利也郊特牲曰社所曰神地之道也地載萬物
天垂象取財于地取法于天是曰專天而親地家主中霤國主社
示本也相此之類元尙不道配食者也主曰爲句龍無乃失歟難

曰信如此所言土尊故曰爲首在于上宗伯之體所當列上下之敘上句當言天神地祇人鬼何反先人而後地上文如此至下何曰獨不可而云社非句龍當爲地哉答曰此形成著體數自上來之次言之耳豈足據使從人鬼之例邪三科之祭各指其體今獨摘出社稷曰爲但句龍有烈山氏之子恐非其本意也案記言社土而云何得之爲句龍則傳雖言祀句龍爲社亦何嫌反獨不可謂之配食乎祭法曰周人禘嘗郊稷祖文王宗武王皆曰爲配食者若復可須謂之不祭天平備讀傳者則眞土獨據記則疑句龍未若交錯參伍致其義曰相成之爲善也難曰再特于郊牛者后稷配故也社于新邑牛一羊一豕一所曰用二牲者立社位祀句龍緣人事之也如此非祀地明矣曰宮室新成故立社耳又曰軍行載社者當行賞罰明不自專故告祖而行賞造社而行戮二主明皆人鬼人鬼故曰告之必若所云當言載地主于齋車又當言

用命賞于天，不川命戮于地，非其謂也。所曰有死社稷之義者，凡賜命受國，造建宮室，無不立社，是奉言所受立，不可棄損，苟免而去，當死之也。易句龍爲其社，傳有見文。今欲易神之相，合記附食，宜明其微，祀國大事，不可不重。據經依傳，庶無咎悔。荅曰：郊特牲者，天至尊，無物曰稱專誠，而社稷太半者，土于天爲卑，緣人事曰半祭也。社禮今亡，并特之義，未可得明也。昭告之文，皆于天地，何獨人鬼？此言則未敢取者也。郊社之次，天地之序也。今使句龍載冒其名，耦文于天，曰度言之，不可謂安矣。土者人所依，曰固而最近者也。故立曰爲守祀，居則事之，時軍則告之，曰行戮自順義也。何爲當平于社，不言川命賞于天平？帝王兩儀之參，宇中之莫尊者也。而盛一官之臣，曰爲土之貴神，置之宗廟之上，接之郊禘之次，俾守之者有死無失，何聖人制法之參差，用禮之偏頗？其列在先王人臣之位，其于四官爵侔班同，比之司徒，于數居二，縱復令

王者不同禮儀相變或有尊之則不過當若五卿之與冢宰此坐之上下行之先後耳不得同祖與社言俱坐處尊位也周禮爲禮之經而禮記爲禮之傳案經傳求索見文在于此矣鉤之兩者未知孰是去本神而不祭與貶句龍爲土配比其輕重何謂爲甚經有條例記有明義先儒未能正不可稱是鉤校典籍論本考始矯前易故不從常說不可謂非孟軻曰子豈好辯哉乃不得已也鄭司農之正此之謂也

續漢祭祀志下注補

尹文子序

尹文子者蓋出于周之尹氏齊宣王時居稷下與宋鉞彭蒙田駢同學于公孫龍公孫龍稱之著書一篇多所彌綸莊子曰不累于物不苟于人不愧于眾願天下之安寧曰活于民命人我之養畢足而止曰此白心見侮不辱此其道也而劉向亦曰其學本于黃老大較刑名家也近爲誣矣余黃初末始到京師繆熙伯曰此書

見示意甚玩之而多脫誤聊試條次撰定爲上下篇亦未能究其
詳也井文下道藏本按統卒于獻帝遜位之歲而此序言黃初
末始到京師當是後人妄改或此序非統作也疑莫能明

賜進士出身一品銜廣東等處提刑按察使司按察使兼管驛傳事務黃岡王毓藻校刊

全後漢文卷八十七終